



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0018223 19

Sarajevo, 18.04.2022. godine

SUD BOSNE I HERCEGOVINE
SARAJEVO
Sudiji za prethodno saslušanje

Na osnovu člana 35. stavovi 1. i 2. tačke i), te člana 226. i 227. Zakona o krivičnom postupku Bosne i Hercegovine (ZKP BiH), p o d i ž e m:

OPTUŽNICU

PROTIV:

EMRAH MUJANOVIĆ, po nadimku „Emčo“, [REDACTED]
[REDACTED] rođenog [REDACTED] 1993. godine u Srebrenici, [REDACTED]

Što je:

Dana 23.11.2019. godine, djelujući na teritoriji Bosne i Hercegovine, kao član organizovane grupe u smislu odredbe člana 1. stav 21. Krivičnog zakona BiH, [REDACTED] [REDACTED], u cilju sticanja protivpravne imovinske koristi, radi neposrednog izvršenja krivičnog djela Krijumčarenje ljudi [REDACTED]

[REDACTED] djelujući u okviru zajedničkog plana i prethodnog dogovora, prihvatom i prevozom omogućio migrantima [REDACTED]

[REDACTED] nezakonit boravak na području BiH a koji migranti su prethodno od strane organizatora i članova organizovane grupe ilegalno prevedeni iz Republike Srbije u Bosnu i Hercegovinu, na mjestu koje nije predviđeno za legalan prelazak državne granice, svjestan da navedena lica nisu ispunjavala uslove za legalan ulazak i boravak u Bosni i Hercegovini i na taj način ostvarivši protivpravnu imovinsku korist u tačno neutvrđenom iznosu, postupajući tako protivno članu 6. Protokola protiv krijumčarenja migranata kopnenim, morskim i zračnim putem, kojim se dopunjuje konvencija UN-a protiv transnacionalnog organizovanog kriminala (Službeni glasnik BiH broj 3/02) i protivno odredbi člana 7. stav 2. Zakona o graničnoj kontroli (Službeni glasnik BiH broj.53/09, 54/10 i 47/14) **na način da je**, a nakon što je prethodno od strane organizatora i članova grupe koji su djelovali na teritoriji Republike Srbije, u Beogradu pronađeno 14 (četrnaest) migranata, državljana Egipta, koji su bili zainteresovani za dalje nedozvoljeno prebacivanje ka nekoj od od zemalja Zapadne Evrope, a zatim je dana **22.11.2019. godine** organizovan njihov prevoz autobusom iz Beograda do Ljubovije, te putničkim motornim vozilom u pravcu rijeke Drine do dogovorene lokacije za prebacivanje migranata kod mjesta Gornje Trešnjice nakon čega su migranti čamcem prebačeni preko rijeke Drine na teritoriju Bosne i Hercegovine gdje je migrante, po prethodnom dogovoru sa članovima grupe, dana 23.11.2019. godine, u blizini obale rijeke Drine, **preuzeo Emrah Mujanović** i smjestio ih u putničko motorno vozilo marke „Mazda“ sive boje, registarskih oznaka [REDACTED] u cilju daljeg nedozvoljenog tranzita kroz teritoriju Bosne i Hercegovine, da bi oko 05:30 sati, na magistralnom putu u mjestu Glogova, opština Bratunac, policijski službenici Državne agencije za istrage i zaštitu izvršili zaustavljanje putničkog motornog vozila marke „Mazda“ kojim je upravljao Emrah Mujanović i u kojem vozilu je tom prilikom zatečeno 14 državljana Egipta i to: [REDACTED]

Dakle, kao član organizovane grupe ljudi koja je formirana radi izvršenja krivičnog djela Krijumčarenje ljudi, u namjeri pribavljanja protivpravne imovinske koristi za sebe i druge, prihvatom i prevozom omogućio nezakonit boravak migranata na području

BiH, a koji migranti su prethodno od strane organizatora i članova grupe ilegalno prevedeni iz Republike Srbije u Bosnu i Hercegovinu.

***Čime je počinio:** krivično djelo „Organiziranje grupe ili udruženja za izvršenje krivičnog djela „Krijumčarenje migranata“ iz člana 189a. stav 2. i krivično djelo “Krijumčarenje ljudi” iz člana 189 stav 2. u vezi stava 1. Krivičnog zakona Bosne i Hercegovine.*

TUŽILAC
Tužilaštva Bosne i Hercegovine